

VACACIONS CON TRABALLO 2013 VIII EDICIÓN

Programa de voluntariado internacional para
as traballadoras e traballadores da
administración local galega

1. Que son as Vacacións con Traballo?

Vacacións con Traballo é un programa de sensibilización ao interior das entidades socias do Fondo Galego de Cooperación e Solidariedade, dirixido ás/os traballadoras/es da administración local galega como banco de recursos humanos de calidade, e potencial motor de transformación social cara actitudes solidarias.

As/os traballadoras/es seleccionadas/os invisten o seu mes de vacacións en terreo apoiando tecnicamente aos parceiros estratéxicos do Fondo, e de aí o nome do programa, no que o Fondo paga a viaxe das/os participantes e os nosos socios locais os aloxamentos e as manutencións. Entendémolo coma un programa de dobre dirección onde ambas as dúas partes aprenden, e onde a implicación das/os candidatas/os é imprescindible.

As/os participantes son seleccionadas/os tras un proceso de observación dos seus CV e cartas de motivación, de maneira vinculada ao perfil profesional que os nosos parceiros do Sur nos demandan. As estancias duran un mes.

Ata hoxe viaxaron ao Sur para cooperar por medio de Vacacións con Traballo vinte persoas, dezaseis mulleres e catro homes. Viaxaron aos proxectos onde o Fondo ten presenza estratéxica, incorporándose a grupos de traballo que pese a brevidade da estancia, sempre deixan fluxos de coñecemento compartido, ideas e contactos enredados en algo máis ca unhas vacacións solidarias.

Vacacións con Traballo é un programa participativo, de axuda mutua e entendemento, de crecemento e aprendizaxe. Se queres sumarte a este proxecto, non dubides en contactar connosco e cubrir a ficha de inscrición.

2. A quen vai dirixido?

Poderá participar toda persoa vinculada á administración local galega; como única condición imprescindible establécese que o Concello ou a Deputación pertenza ao Fondo Galego. Na consideración final das propostas presentadas, valorarase positivamente a vinculación co mundo da cooperación e o coñecemento do medio e país de destino.

3. Quen son os parceiros?

As entidades de acollida son as seguintes:

- **Cabo Verde: Asociación Nacional de Municipios Caboverdianos:** entidade que traballa na promoción, defensa, valorización e representación local dos 17 municipios caboverdianos.
- **Nicaragua: Instituto de Promoción Humana (INPRHU):** organización centrada na axuda ás comunidades máis desfavorecidas do norte rural do país, cun proxecto de desenvolvemento humano integral no Departamento de Madriz inspirado nos Dereitos Humanos.

4. Cal é o perfil das persoas a participar?

- Cabo Verde, **Cámara Municipal de Porto Novo:** técnica/o de igualdade de xénero.
- Nicaragua, **Instituto de Promoción Humana-Somoto:** especialistas e traballadoras/es dos departamentos de turismo.

Os perfís presentados son os desexables como prioridade, mais en función da participación poden non ser eliminatorios, polo que se recomenda que aquelas persoas con interese en participar de Vacacións con Traballo non deixen de facelo por non posuír un perfil exacto ao da praza ofertada.

5. Que se busca?

- Un intercambio de coñecementos entre profesionais galegas/os e os parceiros do Fondo Galego nos países onde colaboramos.
- Un achegamento entre os axentes do poder local galego e os nosos socios no Sur, que poida servir de apoio a presentes e futuros proxectos de colaboración.
- Un maior e mellor coñecemento da realidade dos países onde actuamos: a súa situación, as súas dificultades, pero tamén as súas virtudes e potencialidades.
- Un apoio aos nosos parceiros, facilitando respostas técnicas ás súas necesidades.
- Unha activación de fórmulas que permitan dinamizar a cooperación desde os municipios e que consolide estruturas democráticas promotoras do desenvolvemento.
- Unha maior implicación, por parte dos organismos públicos, en actividades que estimulen o compromiso solidario, a través da divulgación das experiencias das persoas participantes no programa.

6. Cando se realiza a estancia?

- No último cuadrimestre do ano, **entre setembro e decembro** en función da dispoñibilidade dos nosos socios e das propias persoas participantes.

7. Como é a viaxe?

O programa divídese en tres etapas: antes, durante e despois da viaxe.

- Antes: As persoas seleccionadas participarán nunha xornada de formación, organizada polo Fondo Galego.
- Durante: Seguirase a programación establecida polo parceiro. En terreo deberán, na medida das posibilidades, configurar un blog da súa experiencia.
- Despois: Ao seu regreso, as persoas que participan deste proxecto deberán elaborar unha memoria da actividade no mes posterior a súa chegada. As/os participantes poderán dar a coñecer as súas experiencias en actividades de sensibilización en Galicia e, especificamente, respondendo á prensa para divulgar a súa experiencia e o traballo do Fondo Galego.

8. Cando presentar as solicitudes?

O prazo de presentación de solicitudes comeza o mércores 15 de maio de 2013, e permanecerá aberto ata o venres 14 de xuño. A resolución da convocatoria farase pública antes do 28 de xuño.

A solicitude debe ser remitida por correo electrónico a dpalau@igadi.org cun CV e unha carta de motivación. As/os candidatas/os poderán ser chamadas/os a unha entrevista persoal.

Información e inscricións:

FONDO GALEGO DE COOPERACIÓN E SOLIDARIEDADE

Secretaría técnica (Igadi)

Avda. Joselín 7, portal 3- 4 B – 36300 – Baiona (Pontevedra)

Teléfono/Fax: 986-35-72-38

www.fondogalego.org